

## قصة المائدة والحواريين | الحلقة ) 30 ( | #أحسن\_القصص | د

### . حازم شومان

حازم شومان

السلام عليكم ورحمة الله وبركاته. الحمد لله وكفى وصلة وسلاما على عباده الذين اصطفى. اللهم لك الحمد كله ولكل الملك كله وبيدك خير كله وعليك يرجع الامر كله. اللهم صل على عبدك ونبيك محمد صلى الله عليه وسلم. في الاولين والآخرين وفي كل وقت وحين.

اما بعد - 00:00:37

قصة المائدة والحواريين. المائدة والحواريين يا جماعة بازن الله سبحانه وتعالى هي دي القصة بتاعة الليلة. وعلى فكرة يعني معلومة في البداية هي فكرة سلسلة القصص ايه؟ ان هي بتتكلم عن قصص القرآن ولكن احنا بنركز على نوايا معينة من القصص القرآني. القصص اللي ما زكرتش في القرآن غير مرة واحدة بس. ده - 00:00:57

اساس يعني مش ده كل السلسلة ولكن ده الاساس. المرة اللي فاتت توبة كعب بن مالك هي مرة واحدة في القرآن. المرة دي بازن الله سبحانه وتعالى قصة المائدة في سورة المائدة - 00:01:17

اللي هي المائدة والحواريين هي مرة واحدة بس. المرة الجاية بازن الله لربينا ازن اه قصة قارون هي مرة واحدة بس. يعني ايه هكذا اخواني في الله هنركز على اللي جت مرة واحدة بس يعني يا تفهم يا ما تفهمش. هي مرة واحدة جت قصة المائدة اللي احنا هنتكلم عنها دي. دي نازلة في سورة المائدة اللي هي اخر سورة نازلة في القرآن - 00:01:27

سؤال كما ثبت عن اصحاب النبي صلى الله عليه وسلم. يعني دي اخر صفتين في اخر سورة نزلت في القرآن. يعني دي اخر قصة نزلت في القرآن القصة ده هي اللي هي اخر قصة نزلت في القرآن ما جتش غير مرة واحدة في القرآن. وما جتش غير مرة واحدة والسورة كلها اتسمت باسمها سورة - 00:01:47

ايده! والصورة اللي اتسمت باسمها مش صورة صغيرة. كل القرآن عظيم ولكن سورة من السبع الطوال. يعني انا عايزك تخيل معى سورة من السبع الطوال اخر سورة نزلت من القرآن تتسمى باسم القصة اللي هي اخر قصة نزل في كتاب الله. الله! والقصة المرة الوحيدة اللي ربنا اتكلم بتفصيل عن الحواريين. ال الحواريين - 00:02:07

يقول لهم ذكر في القرآن كله ولكن المرة الوحيدة اللي جت تفاصيل وهم بيتكلموا بقى وفي لغة حوار بينهم وبين سيدنا عيسى هل يستطيع ربكم ان ينزل علينا ما من السماء هم شاكين ولا ايه؟ هم الحواريين اصحاب عيسى كانوا شاكين يا جماعة؟ ولا ده علو مقامات ايمانية بس لو فهمنا معنى الكلام؟ طب هم طلبو من سيدنا عيسى - 00:02:27

ايده ده ليه؟ في بعض قال عشان عايزين يأكلوا. يعني هي الموضوع موضوع اكل. الموضوع موضوع جوع وفقر. طب ما النبي دخل شعب ابي طالب وكل ورق الشجر. وخديجة رضي الله عنها ماتت متأثرة بالمجاعة بتاعة الشعب. بعد ايام من نهاية الشعب. الله! طب ربنا ما نزلش على النبي عليه الصلاة والسلام. مائدة من السماء في شعب ابي طالب ليه - 00:02:47

ما جابلوش البراق اللي اداه له في المعراج في رحلة الهجرة ليه؟ كل دي اسئلة مهمة. يا ترى ايه اسرار اخر قصة نزلت في كتاب الله؟ وكمان يا اخوانا لما ناخد الوقت زمن نزول السورة وزمن نزول القصة ده احنا في عام الوفود. يعني العالم كله جاي عشان يدخل في الاسلام قبائل النصارى وقبائل - 00:03:07

القصة دي بتتقابل للناس في الوقت ده ليه؟ المقصود بتاعها ايه؟ حاجة مهمة جداً واحنا داخلين في قصة آآ المائدة في اخر سورة

المائدة ان احنا نفهم الاول خطورة هزه القصة. خطورة هذه القصة العظيمة. من خطورة القصة ديت ان دلوقتي في وفود نصاري كتير

- 00:03:27

جایة تسلم في المدينة المنورة على ايد النبي عليه الصلاة والسلام لو واحد اتجرح في رجليه جرح واتخيط اربعين غرزة يعيش ياما حصلت ويعيش. انما جرح نص بس سنتي في قلبه او في مخه يموت - 00:03:47

الله! ليه ده اربعين سنتي! وده نص سنتي! ده اربعين غرزة! وعاشوا دي حاجة بسيطة ومات ليه ؟ لأن ده في القلب. اهو بالربط كده ، الشبهة يعني ممکن - 00:04:01

خطأ في حكم الواحد حاجة حرام ويعملها. دي في الشريعة ممکن يعملاها ممکن تتعدي. وربنا يتوب عليه منها. انما العقيدة لا تحتمل يا اخواننا. العقيدة دي القلب. اقل خلل في العقيدة ممکن يضيع الانسان. فالقصة بتاعتتنا النهاردة قصة من قصص العقيدة وتصحيح من تصورات النصارى. التصورات الباطلة ربنا سبحانه وتعالى يصححها لهم - 00:04:11

في هذا الوقت الخطير. آبنكلم مين الليلة؟ احنا مش بنتكلم بقى ده القرآن هو اللي بيتكلم الوقتي. قصة المائدة بتكلم مين؟ قصة المائدة بتكلم الدعاة. اللي شايلين مسئولية الدعوة بتقول لهم اوعوا تفكروا ان مهمتكم في الواقع درس وخطبة. اوعوا تفكروا ان مهمتكم في الواقع ده بس سخن. سيدنا عيسى ابن مریم بعد القصة ده ايه؟ هيقف بين ايدين - 00:04:31

قادم مليارات ميلارات النصارى. في العرض على الله وربنا هيقول له انت قلت للناس اتخذوني وامي الهمين. ايه البدعة اللي حصلت بعدك دي يا عيسى يا ابن مریم انا كنت مت يا رب هو هو انا هتسأل على قومي بعد ما مت كمان الموضوع خطير يا اخواننا احنا دورنا ان احنا نحصن الدعوة. ان احنا نسلم الدعوة للناس - 00:04:51

اللي بعدها طاهرة صفية. القصة ديت رسالة للملتزمين الجدد. بتقول لهم ان الدين مش لعبة زي الوفود بالربط. ما الوفود القصة نازلة ام الوفود؟ الوفود يعني كان كتير قوي مسلمين جدد. المسلمين الجدد القصة قالت لهم ايه؟ سورة المائدة كلها بتقول لهم ايه؟ ازاى نعرف خطاب المرحلة دي؟ موضوع خطير - 00:05:11

جدا القصة رسالة للشعب. الصورة بتتكلم عن الشريعة ومن اسمها المائدة. فيه ناس عايزه الدين مائدة. مائدة من السماء زي ما الحواريين كانوا عايزين من ربنا يا رب مائدة من السماء. عشان لما ننزل للناس نأكلهم يا رب من الاكل اللي نازل من السما. عشان الناس تعرف ان الدين هيغير اقتاصادها. ان الدين هيحل مشاكلها - 00:05:31

ان الدين هيزييل الفقر عنها. السياسة دي جميلة يا جماعة. والسياسة دي بتدل على نضج وفهم للناس. وقد ايه الناس محتاجة حل لمشاكلها الدنيوية بالدين. ولكن الكيسة ديت طلعت مجتمع شفناه بعد خمسة وعشرين ينایر بيقول لنا لو الشريعة الاسلامية حلوة حولونا لامريكا في سنة واحدة من غير مشاكل ولا تضحيه - 00:05:51

ايات لما الشريعة بتبقى مائدة من السماء من غير عقود. من غير الكلمة اللي ربنا قالها في اول السورة او فوا بالعقود. الدين ده عقود مع الله. ارباحها من السماء ولكن شروطها الجزائية فمن يكفر بعد منكم فاني اعدبه عذابا لا اعدبه احدا من العالمين. القصة بتكلم - 00:06:11

بتقول لهم توبوا الى الله. توبوا الى الله. عشان كده اذ قال الحواريون يا عيسى ابن مریم. قال عيسى ابن مریم اللهم ربنا واذ قال الله يا عيسى ابن مریم انت قلت للناس اتخذوني يا امي الهمي ابن مریم ابن مریم فوقم فوقم انتم بتبعدوا مين - 00:06:31  
انتم بتبعدوا مين من دون الله سبحانه وتعالى قبل ان تتحول الى فرض من المليارات اللي هتذهل في عرض سيدنا عيسى على الله وربنا بيقروا انت اللي قلت لهم الكلام ده. يا ترى رد سيدنا عيسى كان ايه؟ يعني القصة خطيرة جدا. وعايزه تركيز مننا قوي جدا - 00:06:51

زمن نزول القصة ايه يا جماعة؟ خدوا بالكم انا الوقتي بادئ معكم يعني ايه هيلىكوبتر فيو. احنا بادئين من فوق الاول بس. نفهم بس. القصة ايه؟ لأن انا لو دخلت في القصة على طول - 00:07:12

قالوا نزيد ان نأكل منا وتطمئن قلوبنا نعلم ان قد صدقتنا. ايه نفهم هو الكلام ده نزل امتى؟ زمن نزول القصة ايه؟ زمن نزول القصة

هو زمن نزول سورة المائدة زى ما رجح يعني بعض المفسرين نازلة مع حجة الوداع. يعني صورة منصور عام الوفود  
والعالم كله جاي يسلم. يبقى ازا - 00:07:22

القصة دي زي السورة كلها زي صور عام الوفود بتضرب هدفين. الهدف الاول تأهيل الصحابة قبل الخروج للعالم. كلها شهور والصحابة  
هيخرجوا افتحوا الفرص والروم والترك وبلاد العالم كلها. يبقى دي المرحلة الاخيرة في التأهيل لاصحاب النبي قبل ما يخرجوا  
النصارى العالم. والحضارات - 00:07:42

عالم يبقى تأهيل جبار. الحاجة الثانية في سور عام الوفود اللي هو آآ قبل موت النبي عليه الصلاة والسلام السنة اللي قبل موت النبي  
والكل جاي يسلم. خطاب الوفود نفسها - 00:08:02

الوفود جاية ناس جديدة بقى هاتوا لنا مائدة من السماء. ناس فاكرة الدين مائدة جاية عشان الغنائم. جاية عشان الدين كبير. امال ما  
جوش امبراح ليه غير لما زهرت ما جوش غير لما احلوت. ما جوش غير لما الدين بقى عز وغنية وملك وسلطان. وفتوات -  
00:08:12

جايين لأنعلوا احنا عايزين نفهم الدين وعايزين نفهم ان كل حاجة لها ضريبة. يبقى زمن نزول السورة في عام او القصة في عام  
الوفود. طب زمن حدود الصورة يا جماعة. يعني ايه زمن حدوث الصورة؟ يعني سيدنا عيسى ابن مريم زي النبي عليه الصلاة والسلام  
نبي له سيرة. هي حصلت امتى في حياة سيدنا عيسى؟ دي حته مهمة جدا. يعني سيدنا - 00:08:32

اول مرحلة في دعوته انه نزل يكلم الناس عن ربنا ويعرض عليهم الآيات الباهرة يخرج الموتى يحيي الموتى ينفح في في الطير اللي  
مصنوعة من الطين تبقى طير حقيقي. بيرى الاكمة الابرز الله! سيدنا عيسى كان فعلا عنده معجزات. المرحلة الاولانية نزوله وجهره -  
00:08:52

الدعوة وانه ارى الناس المعجزات والرفض الرهيب والطرد والنفي من الناس مش عايزين حتى مع المعجزات حتى مع المعجزات.  
المرحلة الثانية في سيرة سيدنا عيسى قبول الحواريين لما الحواريين رضوا لما سيدنا عيسى بعد ما اتطرد من البلاد واتشرد من البلاد  
هو والسيدة مريم ولوروا مش لاقيين - 00:09:12

سيدنا عيسى ما كانش له بيت يا جماعة. سيدنا عيسى كان يعني قبل ما سيدنا يحيي يذبح كان يقول له اخر اليوم اين سبب الليلة؟  
ما لهمش بيت. انت متخييل واحد شرد - 00:09:32

من الاضطهاد من الناس بسبب شغله في الدعوة لهذه الدرجة. المرحلة الثانية اخيرا فيه رجاله وافقت. زي بيعة العقبة. اما الانصار  
وافقوا يشيروا للنبي عيسى في جولة من الجولات على مجموعة من الصيادين وافقوا انهم يشيلوا الدين. يعني الانصار في السيرة  
النبوية جم بسبب جولة. والحواليين في سيرة سيدنا عيسى جم بسبب - 00:09:42

يعني الجولات ديت عنصر مؤسر خطير في الواقع بس عايزناس عندها صبر لحد ما تطلع المعادن النضيفة وتقابلها ايها الداعية في  
جولة الجولات بعد كده الحواريين وافقهم. المرحلة الثالثة في سيرة سيدنا عيسى تربية الحواريين اللي هي سورة المائدة بتتكلم عنها.  
وهم لسة في الاول بقى بيقولوا - 00:10:02

هل يستطيع ربك؟ ان ينزل علينا مائدة من السماء؟ انت عايزين ايه؟ احنا مش عايزين احنا احنا مش عايزين دنيا. احنا عايزين  
نتفرغ للدعوة واحنا لا نجد ما تأكلوا عايزين نأكل منها. عايزين عايزين نأكل الناس منها. معناش فلوس ننصر الدعوة. ما عناش فلوس  
نطعم الناس عشان يرضوا يسمعونا. ما عناش فلوس - 00:10:22

الحل ان ربنا هو اللي يدينا لان احنا ما عناش ولا حد هيرضي يدينا. عايزين عايزين الحواريين كان لهم فكر عميق جدا في هزه  
المسألة زي ما هنأخذ الوقت يا جماعة - 00:10:42

ديت مرحلة تربية الحواريين. لسة موجودين مع بعض. لسة ملتفين حولين سيدنا عيسى. المرحلة الرابعة. المرحلة اللي هي بتاعة  
سورا ياسين از جاء المرسلون اضرب لهم مثلا اصحاب القرية اذ جاء المرسلون هنا ثلاثة من الحواريين دهمت. سيدنا عيسى بدأ  
يتعتهم في البلاد. خلاص اتربيم بعد مرحلة - 00:10:52

لو بدأ يبعثهم في الارساليات الدعوية وبدأوا يشيلوا دين وحصل الانطلاق العظيم في الدعوة الى الله المرحلة الخامسة بعد كده مرحلة بقى حكم الاعدام على سيدنا عيسى صدور الحكم بالاعدام صلبا على سيدنا عيسى. والتراب الواقع اضطراب رهيب والزلزال الرهيب. اللي مر به الحواريين في هزا الوقت - 00:11:12

وتأتي المرحلة السادسة رفع سيدنا عيسى سيرته في سيرة سيدنا عيسى ما بعد الرفع. ايه اللي حصل لعيسى في السماء؟ لأن سيدنا عيسى يا جماعة هو اطول الانبياء عمرًا. سيدنا عيسى عايش دلوقتي. سيدنا عيسى لسه ما ماتش. سيدنا عيسى هو اطول واحد في البشرية كلها في العمر. لانه لسه هينزل في اخر الزمان. سيدنا عيسى - 00:11:32

من ايات ربنا قدوتنا تسكن في السماء. امام من ائمة الامة قادمين اللي هو سيدنا عيسى ابن مريم لسه هينزل يا اخوانى في الله. يبقى بعد كده من حدس بعد رفعه في السماء اللي حدس في الارض من انشقاق الناس لثلاثة. ناس بيقولوا ده يعني والعياذ بالله ده كاذب اللي هم اليهود - 00:11:52

ناس بيقولوا ده الله وبدليل انه طلع في السما فيبقى الله رجع السماء تاني. وناس بيقولوا انه عبد الله رسوله اللي هم الطائفة الموحدة اللي جه سيدنا محمد ينصرها عليه الصلاة والسلام. يبقى زمن حدوس القصة امتى؟ بداية تربية الحواريين. طيب سياق القصة ايه يا جماعة - 00:12:12

السياق بتاع القصة في الآيات. انت كلكم معكم مصاحف. معك مصحف؟ انا عايزك هات مصحف بسرعة. هاتي مصحف هاتي اول مصحف جنبك الوقتي. زي ما انا ماسك مصحف كده انا عايزكم تمسكوا مصحف يا اخواننا. انا عايزك تبدأ تبص في الآيات كده هتلاقى حاجة غريبة السياق اللي هو جه فيه الآيات بتاعة قصة المائدة في سورة - 00:12:30

فإذا هتلاقى ربنا بيقول يوم يجمع الله الرسل ايوه هات مصحف صاد مية ستة وعشرين. افتح معها بسرعة. يلا يا عم ما تكسلش. قومي بس هاتي مصحف كده هتلاقى ربنا سبحانه وتعالى بينور لك طريقك بكلام ربنا. سبحانه وتعالى. صفحة مية ستة وعشرين. اخر صفحتين في سورة المائدة. اخر صفحتين - 00:12:50

يوم يجمع الله الرسل يعني احنا دلوقتي في العرض على الله. يعني سورة المائدة بتنتهي بموقف العرض على الله. سبحانه وتعالى. يعني موقف مرعب يا اخواننا. موقف يخطف القلب. طب ربنا هيقول لعيسى ايه؟ انت قلت للناس اتخذوني وامي الهين مiliارات النصارى واقفين. وسيدنا عيسى يصعد ليри - 00:13:10

على الله امامهم كلهم. وهم منتظرین ايه اللي هيحصل. سيدنا عيسى يظهر امام الله عبد منكسر ذليل. ويتصدم نصارى العالم كلهم. ازاي الله. ازاي اتبعنا هذا العقيدة التي تقول انه الله. وسيدنا عيسى بيكلم ربنا ولكن قبل ما ربنا يسأل عيسى السؤال ده ربنا قال له اذ قال الله - 00:13:30

يا عيسى ابن مريم اذكر نعمتي عليك وعلى والدتك ايدتك بروح القدس. تكلم الناس في المهد وكهله. تخرج الموت باذني. تنفح فيها فتكون طيرا ان ده ايه؟ ربنا بيقول له الاول انا اديتك نعم شكلها ايه. ليه؟ المفسرين قالوا لان لو ربنا قال له من الاول. انت قلت لهم عبدونى ممكن سيدنا عيسى ينخلع - 00:13:50

فالاول ربنا بيفكره بالنعم. وبعد ما ربنا فكره بالمعجزات ربنا زكره بنعمة تانية. واذ اوحيته الى الحواريين اللي هي الآيات بتاعتتنا بقى امنوا بي وبرسولي. هي ايه النعمة دي؟ نعمة الاتباع. ربنا بيقول له انا اديتك انصارا. انا اديتك ناس شالوا الدين معك. انا اديتك ناس لفوا الدنيا كلها في نشر - 00:14:10

الدعوة بتاعتكم معك. يعني كل المعجزات ربنا جمعها في اية. وال الحواريين بس ربنا جابهم في كم اية اللي احنا هنتكلم عنهم الليلة لأن نعمة الاتباع ممكن تبقى اعظم من نعمة المعجزات. نعمة رجاله تشيل الدين مع المربى. رجاله تشيل الدين مع الداعية. نعمة ان يبقى فيه - 00:14:30

عاون في نصرة دين الله سبحانه وتعالى. وبعد كده بقى آآانت قلت للناس اتخذوني وامي الهي. يبقى ده السياق وطبعا ربنا بيقول ايه اذ قال الله يا عيسى اذ اوحيت الى الحواريين. اذ قال الله انت قلت للناس اتخذوني وامي الهي. الكلام ده يوم القيمة. هو ربنا

بيتكلم عنه بزمن الماضي ليه - 00:14:50

لان ما امر الله به فهو واقع واقع. وكان امر الله قدرا مقدورا. طب تعالوا بقى يا جماعة نبدأ ندخل في القصة. تعالوا بقى نبدأ كده ايه  
نشوف ايه القصة دي وايه الاصداس بتاعتتها ونركز مع بعض بهدوء. واد اوحيت الى الحواريين - 00:15:10

ان امنوا بي وبرسولي. قالوا امنا واشهد باننا مسلمون. يبقى ربنا بيقول لعيسي افتكر ان انا نصرتك. افتكر ان انا ايدتك بالاتباع. ربنا  
قبل ما يقول لسيدنا عيسى ايه حجتك ان دول قالوا عنك انك الله؟ ربنا ذكره بالمعجزات اللي عملها له وذكره بالاتباع اللي اداهم له.  
يبقى اذا - 00:15:30

الله للداعية الایات ايده بالایات. وايده بالاتباع فقد قامت حجة الله على الداعية. خلاص يبقى دي حجة من الله سبحانه وتعالى اذ قال  
الحواريون يا عيسى ابن مریم هل يستطيع ربک ان ينزل علينا مائدة من السماء؟ هل يستطيع ربک؟ ربنا يقدر؟ خدوا بالکم يا جماعة  
هل يستطيع ربک؟ مش معناها ربنا يقدر ولا ما يقدرش - 00:15:50

يستطيع زى يستجيب من المطاوعة. يعني ربنا هيطيعك. لو انت طلبت منه طلب عمر ما حد من اتباع الرسل طلبه. يا ابن مریم احنا  
بنطلب منك طلب ما حدش في التاريخ طلبه من ربنا. ولا حد من صحة الانبياء طلبه من ربنا. ربنا يرضى. ربنا يطاعوك - 00:16:15  
ربنا يطاعونا لو احنا طلبنا منه الطلب ده. هل يستطيع ربک ان ينزل علينا مش عليك خدوا بالکم من الكلام يا جماعة عشان نفهم لان  
كثير من المفسرين في الایات ديت اختاروا ان الحواريين دول وحشين. وان الحواريين دول شاكين في ربنا وفي قدرته. وان  
الحواريين دول ناس وحشة واقل من الصحابة - 00:16:35

كتير جدا جدا. وهم اقل من الصحة. اصحاب النبي عليه الصلوة والسلام. بس مش الموضوع مش كده. موضوع ان احنا لا يجب  
ان احنا في الموطن الوحيد اللي ربنا سبحانه وتعالى اتكلم فيه عن عظمة الحواريين. لازم نشوف نفهم كل كلمة بتندل على عظمتهم  
في ايه. هل يستطيع ربک؟ ربنا هيطاعوك. لو انت - 00:16:55

طلبت منه انه ينزل علينا احنا مش عليك انت. انت بتخرج الموتى بازن الله. انت بتروح للميت تقول للناس احیوه لكم بازن الله  
تؤمنوا بي انما احنا احنا ننزل الدنيا هتودينا الدول هنلف في البلاد من غيرك. الناس مش هتصدقنا. وانت عارف ان احنا عايشين  
وسط بني اسرائيل - 00:17:15

وسط يهود بيعبدوا المادة. وسط ناس محتاجين يشوفوا معجزات. احنا لما نيجي ننزل نشتغل في الدعوة. ربنا هيدينا معجزات زي ما  
اداك ربنا هيقيدين بمعجزات وایات زي ما ورى الناس. على ايدك يا عيسى يا ابن مریم هل يستطيع ربک؟ هل ربک هنا اشمعنى ربک  
مش ربنا - 00:17:35

يعني اللي اداك هيدينا احنا كمان. ربک اللي اداك واداك الایات هيدينا. هل يستطيع مش معناها يقدر ولا ما يقدرش؟ يرضى ولا ما  
يرضاش ربنا يرضى يقيينا. احنا نوينا يا ابن مریم. احنا اقتتنعنا برسالتک. واقتتنعنا بقضیتك. واقتتنعنا بمنهجک. احنا نوينا ان احنا ننزل  
عمرنا - 00:17:55

منونة ان احنا نترغ لها مدى الحياة. ونوينا ان احنا نواجه هيرود ملك اليهود الظالم. اللي دبح يحيى عشان سالومي الفاجرة. عشان  
يبقى مهرها رأس يحيىنبي الله. قررنا ان احنا ننزل معك نواجه كهنة بيت المقدس. اللي اسمهم علماء دین وبياخدوا مرتبات من  
الدولة عشان يفتووا للدولة - 00:18:15

فتاوي ضالة يضيعوا بها الناس. واللي تأمروا على صلب عيسى بعد كده. احنا نوينا ان احنا ننزل معك نواجه شعوب بني اسرائيل  
الفاسدة اللي انفجرت وانتهكت الحرمات. احنا نوينا ان احنا ننزل معك. نواجه الامبراطورية البيزنطية اللي محتلة فلسطين في هذا  
الوقت. احنا خلاص نزرنا عمرنا لله - 00:18:35

بس هل ربنا يرضى يقيينا احنا كمان؟ ويدينا احنا كمان اذ قال الحواريون. الحواريون يا جماعة معناها اطهار القلب معناها  
الخالصون المخلصون. خدوا بالکم ان الوفود احنا دلوقتي في عام الوفود وربنا منزل القصة دي في عمل وفود. الوفود اللي جاية  
تسلم بعد ما الدين زهـه - 00:18:55

بِيَقُولُ لَهُمْ تَعَالَوْا إِمَّا أَرْبِيكُمْ بَقِيَ عَلَىٰ - ١٥:١٩:٠٠

ايه على ايد الحواريين جميل اوبي. ان انت بعد موتك ربنا يا رب الناس مسييرتك. عزييم اوبي ان انت تموت وربنا يا رب الدنيا بعد بيطولاتك وموافقك. انتم متخيلين دول الحواريين الخلص يا جماعة. يا عيسى طبعا يعني الحواريين مش زي الصحابة. اصحاب

النبي عليه الصلاة والسلام - 00:19:35

هم قالوا يا محمد انما يا رسول الله عليه الصلاة والسلام والي حوالينا كان لسة في الاول يا عيسى ابن مريم ليه كلمة ابن مريم؟ يعني اشمعنى ابن مريم؟ كان الله يؤكد ان - 00:19:55

اشمعنى ابن مريم؟ كان الله يؤكّد ان -

الحواريين كانوا على العقيدة السليمة. فكانوا فاهمين انه ولد بمعجزة من السيدة مريم. هل يستطيع ربك ان ينزل علينا واحنا بنلف في الدعوة الى الله في البلاد. مائدة من السماء. قضية خطيرة اوى يا اخواننا - 00:20:05

ينزل علينا واحنا بنلف في الدعوة الى الله في البلاد. مائدة من السماء. قضية خطيرة اوي يا اخواننا - 00:20:05

قضية مائدة. قضية هم عايزين مائدة ليه ؟ طب كانوا يقولوا يا عيسى ابن مریم الدين خلي ربنا يحيي على ايدينا الموتى. احنا كمان مسلا او يخلي الطير اه نفخ في الطين يبقى طير على ايدينا. اشمعنى مائدة ؟ هو ده دايما حلم اتباع الشريعة في كل زمن. ان هم

مسلا او يخلي الطير اه نفخ في الطين يبقى طير على ايدينا. اشمعنى مائدة؟ هو ده دايما حلم اتباع الشريعة في كل زمان. ان هم

يقولوا للناس الدين هيغير حياتكم. الدين ده مائدة من السماء. الدين ده هييعيشكم الرفاهية. الدين ده هينقل رفاهية السماء ورزق السماء اليكم في الارض. السماء هتمطر عليكم. دهب وفضة. المشكلة ان الموضوع ده امانى طيبة من الصالحين والدعاء الى الله. ولكن

00:20:42 -

الموضوع ده له اثار خطيرة جداً لحد النهاردة النصارى بيجنوا اثر هذا الطلب. ازاي؟ لحد دلوقتي النصارى عندهم اهم حاجة. عائزين ايات. عائزين معجزات. عائزين لدرجة ان يعني في ناس دلوقتي بتعمل يعني خداع للناس من اتباعهم عشان يقولوا لهم ان هم

عند هذه معجزات زعـ حتـ الصحفـة الـ 00:21:02

اسر بالفکر ده يا جماعة اتبهدل. صوفيا اهم حاجة ان الوالي يقول آآ او يعني اللي مدبوغ يعني يقول انه مشي على المایة يا عم مش لازم. لما جه الراجل لابن تيمية رحمه الله - 00:21:22

لما جه الراجل لابن تيمية رحمة الله - 22:21:00

الصوفي واقع الناس انه يبمشي على النار وما بيتحرقش. ابن تيمية قال له ايه؟ ابن تيمية قال له ادخل انا وانت الحمام نفترسل بمية نار زيل اي دهانات على جسمنا ممكن ان هي انت تتقى النار بسببها. ادخل انا وانت الحمام ثم نخرج فنتقدم النار - 00:21:32

نار زبیل ای دهانات علی جسمنا ممکن انت تتنقی النار بسیبها. ادخل انا وانت الحمام ثم نخرج فنتنقیم النار - 00:21:32

فانيا احترق فعليه لعنة الله. الرجل هرب من البلد ليه؟ ان تناهى وجهه هو لازم يقول للناس انك انت بتاع ايات اعزم اية هي او اعظم كرامة هي الاستقامة يا عيسى ابن مريم هل يستطيع ربك ان ينزل علينا مائدة من السماء؟ قال اتقوا الله ان كنتم مؤمنين. هو سيدنا

عیسیٰ - 00:21:52

يعني كان سيدنا اسد جعس من الطلب. وهو اتعز من الطلب هي صدمة فعلا. عمر ما حد طلب من النبي بتاعه هزا الطلب اصلا. ان هو عايز معجزات زي ما النبي له معجزات - 00:22:12

حتى اصحاب النبي عليه الصلاة والسلام رينا ما وراهمش ايات مادية غير بعد ما رسخ في قلبهم القرآن نفسه والادلة العقلية والروحية بتاعة القرآن. فانشق القمر الطعام سبح في ايد النبي عليه الصلاة والسلام. يبقى الحواريين هنا سيدنا ادم يقول لهم انقوا الله

٠٠:٢٢:٢٢ - م ع ر د ن ا ق ل ا ت ه ا ت م ن ه ا ز ل ا ت ه ا ل ل ا ل ا ت ه ا ل ل ا ل ا ت ه ا

اني منزله عليكم بس خدوا بالكم. فمن يكفر بعد منكم فاني اعذبه عذابا لا اعذبه احدا من العالمين. اللي شافني زي اللي ما شفشت ربنا  
مش عاما اللـ شاف زـ اللـ ما شفشت ربنا مش هيعاما اللـ عارـ اللـ مش عارـ ربنا مش هيعاما اللـ ربنا واه ايـتـ زـ

۰۰:۲۲:۴۲ - ۲۱ خرداد ۱۴۰۰ | سایت امداد و نجات

عيسى، في نفس الوقت خارف على الناس، احسن تفق، الابيات دى لعنة بق، احسن تفق، كله بسح، النصارى على مدى الحماة، ودونا

ايات ورونا ايات هي دي المشكلة يا اخواننا. ان - 00:23:02

سيدنا عيسى جيل الناس بمعجزات مادية. فاتباع سيدنا عيسى اتعلقوا بالمعجزات المادية. ما هو اللي بيذوق لزة الدين بحاجة بيفضل مستعبد لها يعني ايه؟ يعني مسلا الاخ اللي يدخل اول ما يدخل كده يقعد بقى يسمع دروس كتير او اي او اي او اي. ده بيعيش عبد للوعظ. ما يعرفش يلقاء خط خطوة - 00:23:12

ربنا الا بالوطن. عشان كده اول القرآن ما هوش وعظ. مش اول القرآن ايات عن الله. ولا ايات عن الجنة والنار. امال ايه؟ اقرأ باسم ربك. قم الليل. قم فانز. ليه اول - 00:23:32

القرآن عمل عشان اول لزة اليمان تختالط قلوب الصحابة بسبب العمل الصالح. تبقى بسبب العمل فيتعودوا طول عمرهم على ان العمل هو سر لزة اليمان ونشوة اليمان وروعه اليمان. هنا بقى هم اتعودوا على الايات المادية. فيطلبوا ايات مادية. المشكلة ان اللي بعدهم هيطلعوا بطلبوا ايات مادية. فسيدنا عيسى عنده بعد نظر. اتقوا - 00:23:42

الله! بلاش تطلبوا الطلب ده. ان كنتم مؤمنين. شف بقى رد الحواريين على عيسى. قالوا نريد. قالوا ديت يعني معناها ان كلهم مجمعين اجتمعوا على هذا الامر قالوا واو الجماعة نريد ان نأكل منها نريد بقى الناس دي عندها اراده. الحواريين يا جماعة - 00:24:02

ناس اقويا جدا. الحواريين مش ضعفاء. الحواريين كان عندهم ارادة تغيير للواقع. نريد نريد ديت حاجة غائبة عندنا. فين الداعية اللي عنده ارادة؟ فين الداعية اللي مصمم ان هو يغير الواقع. قالوا نريد الحواريين كان عندهم رؤية. يا رب الناس دي مادية. الناس دي لازم تشوف ايات مادية. لان - 00:24:20

الناس دي ماديين عندهم رؤية وكمان عندهم ارادة وعزيمة على تحقيق هزه الرؤية. قالوا نريد نموذج مطلوب. قالوا نريد ان نأكل منها وتطمئن قلوبنا اتنين ونعلم ان قد صدقتنا. ثلاثة ونكون عليها من الشاهدين. هو ايه ده بقى ؟ لان - 00:24:40

والهنا في اقوال كتير ممكن فيها اقوال ان دول كانوا ناس شاكين وعايزين يأكلوا وخلاص الموضوع مش كده يا جماعة. يعني ايه نأكل منها؟ يعني احنا عايزين نتفرج للدين. طب نتفرج للدين ازاي؟ من غير ما يبقى عندنا رزق. يبقى ناس عايزه تتفرج. فهي تطلب الرزق من اجل التفرج. وفي نفس الوقت هم - 00:25:00

فقراء ما عندهمش وقت من الدعوه الى الله ان هم قعدوا يشوفوا الارزاق بتاعتتهم. يا رب فرغنا لديناك. يا رب وفي نفس الوقت هم فقراء مش قادرين يعملوا للناس حاجة - 00:25:20

الطعام يجربوا الناس به انهم يسمعوا الدعوه. يا رب ادينا انت عشان نقدر نقنع الناس بالدعوه. قالوا نريد ان نأكل منها. امال لما النبي كل ورق الشجر في شعب ابي طالب. ليه ربنا ما تزلش عليه مائدة من السماء؟ تخيلوا لو ربنا كان في الشعب نزل على النبي مائدة من السماء. وفي الهجرة ربنا نزل على النبي عليه الصلاة والسلام - 00:25:30

احنا هنجي النهاردة بقى نعمل ايه؟ خلاص ضاعت. لا معنا براق ولا معنا مائدة من السماء. خلاص ضاعت. كنا هنبقى متوكلين على المعجزات. هي المعجزات السبب في بانتصار النبوى في النهاية. انما ربنا اراد ان الدين ده ينتصر بانتصار بالسفن الواقعية. عشان ليوم القيمة احنا نيجي نقدر - 00:25:50

نقدر ان احنا نتبع النبي في نصر الدين. مش نقدر نقول يا رب يا اما تديننا معجزات يا اما عمرها ما هتتغير. واحدين بالكم من التربية العالمية قوي. اللي ربنا سبحانه وتعالى ربها - 00:26:10

النبي عليه الصلاة والسلام واصحابه عشان احنا نطلع النهاردة نقدر ان احنا نقتدي بالنبي عليه الصلاة والسلام. لو كان النبي ملك من الملائكة كنا قلنا ده ملك لا يمكن نقدر نعمل زييه. انما بشر - 00:26:20

بينام بيمرض عليه الصلاة والسلام عشان يبقى فيه امكانية للاقتضاء برسول الله صلى الله عليه وسلم. يبقى دى اول حاجة نأكل منها. الحاجة الثانية وتطمئن قلوبنا. حاجة عالي قوي يا جماعة. الكلمة دي جت في القرآن في مرة تانية بس جت مع سيدنا ابراهيم. سورة البقرة لما ربنا بيقول له لما بيقول لربنا واز قال ابراهيم رب ابني - 00:26:30

كيف تحيي الموتى؟ قال او لم تؤمن؟ قال بلى ولكن ليطمئن قلبي. يعني الكلمة دي كلمة عالية او ية. الكلمة دي مش قليلة. الكلمة دي مش معناها ان الحواريين شاكين. الكلمة دي معناها - [00:26:50](#)

الحواريين عندهم طموح. جبار لزيادة الایمان. والارتفاع على الایمان. عايزين دايماً يجددوا شباب دينهم. يجددوا شباب التزامهم عايزين دايماً اليقين يتذبذب في قلوبهم. وطمئن قلوبنا. الله! طب يا رب لما هم عاليين كده. كان المفروض نريد ان تطمئن قلوبنا ونأكل منها - [00:27:00](#)

القلب والایمان ييجي قبل الاكل. ليه الاكل جه الاول؟ دي معناه ان الحورين كانوا ناس واقعيين. كانوا ناس ناضجين يا جماعة. تربية الانبياء. ليه؟ السلف قالوا ايه قالوا لطلاب العلم احرز رغيفيك سه اطلب العلم. ما تنزلش تطلب العلم وانت مش لاقى تاكل. هتقف هتقف. شف الاول مصدر دخل وبعد كده - [00:27:20](#)

اطلب العلم شايفين العقلانية والواقعية فهم جابوا الاول احرز رغيفيك نريد ان نأكل منها بعد كده تطمئن قلوبنا اللي هو قلوبنا يا رب عايزين الایمان يا رب انت خايفة على قلبك. انت خايف على قلبك. قلبك فين؟ اين قلبك؟ قلبك وصل لفين - [00:27:40](#) فين قلوبنا يا جماعة؟ فين قلوبنا؟ وطمئن قلوبنا دول اتباع سيدنا عيسى عليه الصلاة والسلام. بيقولوا يا رب احنا عايزين نشوف كلمة تطمئن ليه؟ تطمئن ديت يعني يا رب احنا هنفزع لو حسيينا ان احنا بعاد عنك. عايزين نطمئن ان احنا قريبين منك. عشان كده في قول للمفسرين - [00:27:57](#)

تطمئن قلوبنا انك قد اخترتنا يا رب من اولياتك واصفيائك. المؤمن مشغول انا فين منك يا رب؟ انا فين عندك يا رب زي القطر اللي طالع من الصعيد رايح المنصورة او رايح القاهرة. فمكتوب ربعمية شوية يلاقي يافطة تانية تلتلمية وخمسين. شوية يافطة تانية تلتلمية. ايه اليفض دي؟ يفط طول ما هي موجودة تعرف انك على الطريق - [00:28:17](#)

صاحبة قرب من القاهرة. وطول ما العدد بيقل تعرف انك بتقرب. طب انت عارفة انك انت بتقربني من ربنا ولا بتبعدي؟ انت عارف انت فين من ربنا؟ انا فين منك يا رب؟ انا - [00:28:37](#)

فين عندك يا رب اهم حاجة عند الانسان المؤمن؟ عايزين نطمئن ان احنا قريبين منك يا رب انك راضي عنا انك هتسمع دعاعنا يا رب عايزين نطمئن ان في صلة - [00:28:47](#)

بينا وبينك قالوا نريد ان نأكل منها وطمئن قلوبنا ونعلم ان قد صدقنا الناس دي عايشة في الواقع جبار هتواجده الروم هتواجده علماء الروم من الحكماء اليهود اللي بيحكموا هم علماء للروم زي هيرودو - [00:28:57](#) اللي دبح يحيى ونشر ذكريها. يعني واحد قتل اتنين من الانبياء هينزلوا يواجهوه. هينزلوا يستغلوا في الدعوة الى الله ضد رغبته وضد ارادته واجهوا شعوب ضاعت اللي هو شعوببني اسرائيل اللي كانت في الوقت ده فسدت فساد عظيم جداً. هيواجهوا ناس علماء في الدين ولكن بيستغلوا العلم - [00:29:31](#)

عشان يدوا فتاوى مضللة اللي هم كهنة بيت المقدس. اللي الدولة كانت بتصرف عليهم في الوقت ده. نعلم ان قد صدقنا ان انت مش قلت لنا ان ربنا لا يمكن - [00:29:51](#)

انت مش وعدتنا ان ربنا لا يمكن هيتحلى عنا لو احنا اشتغلنا في الواقع ان احنا ما نخافش من الظالمين ابداً. طول ما احنا بنتكلم عن ربنا وطول ما احنا بننصر دين ربنا - [00:30:01](#)

ربنا هينصرنا وهيقيينا ومش هيسيينا. انت مش وعدتنا ان احنا على طريق الدعوة. ربنا مش هيسيينا! طب احنا على طريق الدعوة اهو. ومحتجين ان ربنا يدينا مدد في - [00:30:11](#)

دعوة ويدينا نصرة في الدعوة. ونعلم ان قد صدقنا. ونكون عليها من الشاهدين. احنا هنخرج للناس. نشهد والالوف اللي انت هتاكلي من المائدة معنا؟ تشهد ان ربنا نزل علينا مائدة من السماء. يعني احنا اللي تبع ربنا في الارض. يعني احنا اللي بنطبع ربنا في الارض. يعني ربنا بيقول لنا - [00:30:21](#)

انت صح وبيكقول للناس الناس دي صح امشوا وراهم. ونكون عليها من الشاهدين امام الناس كلها. قال عيسى ابن مرريم اللهم ربنا

انزل علينا مائدة من السماء. سيدنا عيسى لما سمع كلام الحواريين سيدنا عيسى يعني ايقن ان الحواريين اجتمعوا قلوبهم على امر -

00:30:41

الخير. فسيدنا عيسى توجه الى الله قال عيسى ابن مريم. طب هو لما الحواريين قالوا يا عيسى ابن مريم. ليه قالوا ابن مريم؟ عشان يقولوا ان عقيدتهم سليمة في سيدنا عيسى وانه بشر. طب لما ربنا قال قال عيسى ابن مريم ليه قال ربنا ابن مريم؟ عشان ربنا يقول للوفود اللي جايين يسلموا جداد في زمن نزول هزه الایات. يرسخ جواه - 00:31:01

القوم ان عيسى كان بشر. قال عيسى ابن مريم اللهم ربنا اللهم توحيد الوهية. ربنا توحيد ربوبية. هو سيدنا عيسى قدام الحواريين  
يعرف ايه ويقول اللهم ربنا ليه ؟ سيدنا عيسى يعلم - 00:31:21

ان المعجزات اللي عملها ممكن توهם الناس ذي ما فيه ناس ضلت قبل كده وقالت على بشر انهم الله. سيدنا عيسى بيحصن اتباعه  
انهم ظنوا هذا الظن فيه في يوم من الایام لازم الداعية يبقى فاهم الامن القومي للدعوة. لازم الداعي يبقى فاهم الناس ممكن تضيع  
بعده من ايه ويحصن الناس. يبقى لازم - 00:31:35

التحصين اللهم ربنا احد الباحسين عمل بحس كت اشتريته طلع منه خمسين جملة من الانجيل اللي موجود بين ايدين النصارى  
الوقتي سيدنا عيسى بيقول فيها انا بشر. انا عبد انا لا املك شيئا انا الذي يملك هو الله. سبحانه وتعالى. يعني القرآن بيقول -  
00:31:55

الله عيسى قالوا فعلوا اللهم ربنا انزل علينا مائدة من السماء تكون لنا عيدا. سيدنا عيسى بيطلب الطلب وقال تلات حاجات. واحد  
تكون لنا عيда لاولنا وآخرنا. اتنين وآية منك. ثلاثة وارزقنا وانت خير الرازق - 00:32:15

يبقى رب عايذنا عشان تلات حاجات. تبقى عيد وتبقى آية وتبقى رزق. طب الوقت لما الحواريين طلبو المائدة كرزق قالوا نأكل كل  
منها. الاول بعد كده بقى ايه تطمئن قلوبنا. سيدنا عيسى لما طلب خلى نأكل منها دي في الآخر. ارزقنا وانت خير الرازقين دي في  
الآخر. ما جابهاش في الاول زي الحواريين. ليه ؟ لأن - 00:32:35

عمر ما حد هيبيقي زي الانبياء. الانبياء عندهم رقي اعلى. عندهم درجة اعلى من اليقين في الله سبحانه وتعالى. ومن عدم  
التعلق في نصرة دين الله سبحانه وتعالى عشان نعرف برضو سيدنا عيسى. طيب يعني ايه - 00:32:55

تكون لنا عيда لاولنا وآخرنا عيد هو ده يا جماعة يعني عند اتباع سيدنا عيسى يعادل عندنا كده عيد الفطر. حتى بعض  
المفسرين قالوا ان ده بعد الصيام طويل. آآ عيسى - 00:33:11

والحواريين صاموه. يعني يعني يا رب خليها عيد. هو ايه العيد ده ؟ العيد ده عندنا مرتبط بالعبادة. عيد الاضحى مرتبط بالحج. عيد  
الفطر مرتبط بصيام رمضان والعيد مرتبط بحاجة كبيرة قوي ربنا عملها لنا. عيد الاضحى الكبش نزل من السماء لابراهيم. يعني مش  
المرة الوحيدة اللي ربنا نزل طعام من السماء - 00:33:24

آآ على مع سيدنا مع الحواريين. ربنا نزل فداء الذبح العظيم على ابراهيم من السماء. ونزل الماء على ام شريك بتتعذر في مكة من  
صحابيات النبي عليه الصلوة والسلام. ولكن ديت يعني ايه ؟ دي من عند ربنا لمن شاء. تكون لنا عيда. يبقى عيد الفطر مرتبط -  
00:33:44

عطاءاتنا بعد رمضان. عيد الاضحى مرتبط بالذبح العظيم اللي نزل. طب سيدنا عيسى طالب ان ان اليوم ده يبقى عيد ليه ؟ واحد لانه  
بعد عبادة الدعوة اللي في اياته اللي جوها زاهر في الایات. وبعد عبادة مش بس الدعوة يا جماعة كمان. وبعد عبادة الصيام زي ما  
قالت بعض التفاسير. طيب وفي نفس الوقت يا رب يبقى عيد - 00:34:04

اليوم اللي انت نزلت لنا فيه الرزق من عندك. اليوم اللي انت شرفتنا فيه واكرمتنا فيه. ورأفت بنا فيه يا رب. عرفتم يا جماعة العيد  
ده اكتر يوم بنفرح فيه طول السنة. يبقى اكتر ايام بنفرح فيها طول السنة لازم يكون الفرحة بتاعتتها مرتبطة بالاتصال بالله. مش لما  
نفرح - 00:34:24

نفصل عن الله ونشغل ونغفل عن الله نتصال بالله تبقى لنا عيда يا رب. لاولنا وآخرنا لlama كلها يا رب في حياتي ومن بعدي آية منك

اية يا رب توري للناس اية ان فعلاً نبيك على الصدق انصرني بآية يا رب وارزقنا وانت خير الرازقين - 00:34:44  
يبقى في واقعية هنا يا جماعة. سيدنا عيسى مش بيطلب آية اعجازية بس هو بيطلب رزق من الله سبحانه وتعالى. يعني هو الانبياء طلبوها الدنيا ليه؟ سيدنا زكريا طلب الولد ليه؟ اني خفت - 00:35:04

الموالي من ورائي. عشان يشيل الدعوة بعد ما انا اموت. سيدنا ابراهيم طلب الولد ليه؟ ربى هب لي من الصالحين. انا عايز حد يشيل معي فلما بلغ معه السعي. عايز حد يسعى معي في - 00:35:14  
الدعوة الى الله. سيدنا زكريا طلب ملك لا ينبغي لاحد من بعده اليه. عشان تبقى اية ان ربنا بيديه حاجة ما ادهاش لحد. يبقى له خصوصية عند الله. سبحانه وتعالى - 00:35:24

يا رب انا ما عدتش عايز خصوصية عند البشر عايز خصوصية عندك انت. يبقى ليه طلبو المآل؟ ليه؟ عشان الدعوة الى الله. وارزقنا وانت خير الرازقين. قال الله اه الله! الايات جميلة او اي يا جماعة. الايات جميلة او اي. الحواريين بيقولوا نريد ان نأكل. يقول لهم اتقوا الله. فيه لغة حوار. جميل او اي - 00:35:34

ان يبقى فيه لغة حوار بين الشيخ والطلبة. بين المربى والطلبة مش هي كده يمين يمين شمال شمال. سيدنا عيسى وبتحاور ومش بيزععل وببيقولوا كلام يعني ممكن يستفز اي حد من زاهره. انزل على انزل علينا مائدة من السماء. انت عايزين مائدة من السماء! انت انت عايزين ربنا يديكم اية ومعجزات لكم انت - 00:35:54

مش بس للنبي بتاعكم زاهر التساؤل لو على ظاهره كده ممكن يبقى صعب ومستفز لكن سيدنا عيسى تحاور معهم. جميل قوي ان الداعية يتحاور مع الناس ان المربى يتحاور مع الطلبة. ان الزوج يتحاور مع زوجته. ان لما يكون حد زعلان ما يتقمصش. ما ينفرنمش. ما ياخدش رد فعل. ما يكتمس في صدره - 00:36:14

ويكره من جواه ويمتلئ صدره. جميل قوي ان احنا نتحاور مع بعض مهما كان لغة الحوار صعبة انما بتوصل لعلاقات قوية. ولشرك قوية في الحياة. يبقى لغة الحرق. قال الله اني منزلها عليكم. خلاص - 00:36:34

ربنا سبحانه وتعالى قدر انها ستنزل. ولكن خدوا بالكم. فمن يكفر بعد منكم فاني اعذبه عذابا لا اعذبه احد من العالمين. لعل عشان كده سيدنا عيسى قال لهم اتقوا الله. اتقوا الله ليه؟ اتقوا الله عشان الناس ما تتعدوش على الايات والمعجزات ويطلبواها بعد كده - 00:36:52

هو القمر ده مش معجزة زي بدر البدور كده اللي يوم الاثنين اللي فات ظهر في السماء من من حوالي تمانين سنة ما فيش بدر بالمنز ده جه في السما - 00:37:12

الناس قاعدة تبعص عليه. هو القمر بتاع كل ليلة مش معجزة يا اخوانا! يعني المشركين قالوا شق لنا القمر. طب والقمر مش معجزة!  
ربنا شق لبني اسرائيل البحر. طب والبحر مش - 00:37:22

معجزة تخيلي كده لو واحد اتحبس في اوضة من ساعة ما اتولد لحد ما بقى عنده عشرين سنة. وخرج لاول مرة في الدنيا. اول مرة يخرج الدنيا اول مرة يشوف - 00:37:32

الدنيا بتشتتني. لو انت اول مرة في حياتك تشوقي الدنيا بتشتتني. اول مرة يشوف شروق الشمس. اول مرة يشوف سطوع القمر. اول مرة يشوف السحاب. اول مرة يشوف قوموا الكواكب اول مرة يشوف البحار والشلالات. قلبه هيتحطلع قد ايه من ايات ربنا؟ هي دي مش ايات؟ يبقى لازم ما ينفعش ان احنا نمشي ورا اهواه - 00:37:42

ناس الناس عايزه هي الشريعة دي بجد مائدة من السماء؟ الشريعة الاسلامية مائدة من السماء؟ طب حولوه لمصر لامريكا في سنة واحدة. وبدون ما يحصل اي مشاكل، ولا يحصل اي تضحيات - 00:38:02

الناس عايزه كده ما ينفعش الدعاء يتجاوبيا مع اهواه الناس في هزا الامر. ويعودوا الناس على هزا الامر. عشان كده الايات لها ضريبة. سيدنا ربنا بيقول الوقتي اني اعذب عذابا لا اعذبه احدا من العالمين - 00:38:12

عشان كده سيدنا عيسى حزرهم الايات لها تمن. اللي شاف مش هيتعامل زي اللي ما شفش. عشان كده انا باقول لك دلوقتي انت

اتورطت. انا اتدبست خلاص. لانك سمعت مين ؟ ولانك انت سمعت دروس ايمنية اللي سمع يا اخواننا اتدبس خلاص اتورط. عشان

00:38:26 - كده ما تزعليش ورطي نفسك -

في طريق ربنا اكتر. ورط نفسك في الطريق اكتر. اسمع اكتر. لان لو ضاعت والعياذ بالله كل حاجة ضاعت. لو راحت علاقتنا مع ربنا كل حاجة راحت الحاجة الثانية اني فاني اعدبها عزيزاً لو اعذب واحدة من العالمين ان ايات ربنا مش لعبة يا جماعة. وده من المحاور الخطيرة في سورة - 00:38:46

المائدة من النقاط الخطيرة في سورة المائدة. ان سورة المائدة بتقول دين ربنا مش لعبة. عشان كده اول اية في سورة المائدة يا ايها الذين امنوا اوفوا عقود يعني الاوامر دي عقود بينك وبين ربنا. انت بتمضي على عقد مع الله سبحانه وتعالى. العقد ده له شروط جزائية في غاية الخطورة. زي قول - 00:39:06

الا في سورة المائدة لعن الذين كفروا. منبني اسرائيل على لسان داود وعيسى ابن مريم. ذلك بما عصوا وكانوا يعتدون. كانوا بيعلموا ايه يا رب ؟ هؤلاء الملائين كانوا لا يتناهون عن منكر فعلوه. النهي عن المنكر الجولات مش لعبة. الدعوة الى الله مش لعبة. قل يا اهل الكتاب اية خلعت قلب الواحد. لست - 00:39:26

انتم على شيء حتى تقيموا التوراة والانجيل من غير ما تطبقوا شريعة ربنا انتم صفر في الدين. يا رب ده احنا بنصلی وبنصوم لستم على شيء حتى تقيموا التوراة والانجيل. ما فيش فتح الا اما تطبقوا شريعة ربنا - 00:39:46

ما فيش رزق الا اما تطبقوا شريعة ربنا. ما فيش عطاء الا لما تطبقوا شريعة ربنا. كلام في غاية الخطورة. عشان كده ربنا سبحانه وتعالى بيقول في سورة المائدة يا ايها الذين امنوا لا تتخذوا اليهود والنصارى اوليات. بعضهم اوليات بعض. ومن يتولاهم منكم فانه منهم. الولاء والبراء مش لعبة - 00:40:01

الدعوة الى الله مش لعبة وان لم تفعل فما بلغت رسالته. ايه ده! السورة بتقول ان العقيدة مش لعبة. لقد كفر الذين قالوا ان الله هو المسيح ابن مريم مريم. لقد كفر الذين قالوا ان الله ثالث ثلاثة. لقد كفر. كلام نهائي. السورة بتقول ان الحكم بما انزل الله مش لعبة. ومن لم يحكم بما انزل - 00:40:21

سوف اولئك هم الكافرون. ومن لم يحكم بما انزل الله فاولئك هم الظالمون. ومن لم يحكم بما انزل الله فاولئك هم الفاسقون. السورة بتقول ان العقود مع ربنا مش لعبة - 00:40:41

وميثاقه الذي وافقكم به. انت زي الاسير اللي مربوط بالوفاء. مش بمزاجك انك تسمع حكم ربنا واسمع واطيعه لأ بتقول ان الدين ما هوش لعب يا جماعة. عشان كده فيبياني منزله عليكم بس خدوا بالكم انا هنزل عليكم المائدة من السماء. فمن يكفر بعده منكم - 00:40:51

فاني اعدبها عذاباً لا اعذبها احداً من العالمين. آآ قضية خطيرة هنا جداً احنا وصلنا هنا للمرحلة اللي بدأنا نفهم ام السورة فيها فهم شمولي. الكلام اللي انا اقوله الجاي ده يا جماعة كلام خطير جداً. وكلام عايز تركيز قوي جداً. لان الكلام ده دلوقتي احنا هنبدأ نربط ما بين القصة دي - 00:41:11

ما بين الصورة كلها وهنبدأ نحاول نكتشف ليه الصورة كلها اتسمت باسم التلات سطور دول ؟ اتسمت باسم قصة المائدة. ليه السورة اتسمت كده ؟ السورة اللي نازلة في عام الوفود ركيز بس معندي كده. ركيز معندي في الوقت ده. هو ايه اسم السورة وارتباطها بالقصة ؟ وارتباط القصة بموضوع السورة كلها. السورة نازلة في - 00:41:31

وفود عامل وفود ده جاية ناس لسة مش خلص مش زي الحواريين. جاية ناس عايزه عايزه الدين ده بيقى حاجة مزهزة. هم جايبين اصلاً لما الدين زهذه الدين انتصر. لما الدين بقى مائدة من السماء هي دي مشكلة هذه النوعية. ان عشان كده معزمهم ارتد بعد موت النبي عليه الصلاة والسلام. معظم هؤلاء الوفود ليه - 00:41:51

لانه هو جاي على ان الدين من غير تكاليف. الدين من غير مشاكل. الدين من غير ابتلاءات. ما عاش عامل حزن. ما دخلش الشعب مع النبي عليه الصلاة والسلام. ما تعزبش في المرحلة الجهرية مع - 00:42:11

بلا و خباب و عمار ما داقشي المخاطرة بتاعة الهجرة ما عشي في رعب الحصار بتاع العشر تلاف مشرك في غزوة الاحزاب باب ما عاش الام ما بعد هزيمة احد ما عاش الكلام ده هو جه والدين منتصر النوعية دي خطير جدا والنوعية دي لازم تفهم ان الدين مش لعبة - 00:42:21

ولازم تفهم ان الدين مش مائدة من السماء بس لانها دخلت والدين مائدة. عليها ملز وطاب من العزة والسيادة والريادة. ناس ما دفعتش حاجة عشان الدين ما ضحتش عشان الدين. عشان كده ربنا ينزل القصة دي في الوقت ده عشان النوعية دي. وعشان الناس دي. يبقى فهمنا يا جماعة ليه السورة اتسمت - 00:42:41

ايه ده عشان كذا حاجة. حديث النبي عليه الصلاة والسلام الا يوشك رجال شبعان واحد شبعان بطنه مليانة لحمة وفراخ. متکي على اریكته قاعد يعني ايه قاعد مية كده قاعد بقى مأنتخ كده ومرتاح وفي رفاهية ومخدوم. يقول الا ما جاء في كتاب الله من حرام - 00:43:01

نحرمه ومن حلال نحله يعني بينكر السنة. لو كان دفع نقطة دم واحدة زي الصحابة. عشان حديس واحد ما كانش انكره. إنما اللي بينكر السنة ما ضحاش عشان الدين. اللي بيتعجب هو اللي بيدفع. عشان كده ليه السورة اسمها المائدة دلوقتي بقى يا جماعة؟ أول حاجة ان ده اول حاجة ان ده وعد من ربنا ان - [00:43:23](#)

الدين ده مائدة من السماء. ان الشريعة السورة اللي بتتكلم عن الشريعة الاسلامية السورة اللي ربنا بيقول فيها ومن لم يحكم بما انزل الله فاولئك هم الكافرون. السورة دي ربنا سماها المائدة لأن يا شعب مصر. يا امة محمد الشريعة الاسلامية اللي انت خاييفين منها دي مائدة من السماء. ده ده وعود الله سبحانه وتعالى. عشان كده الایة الخطيرة - [00:43:43](#)

دي ماشية مع اسم السورة اسم المائدة وماشية مع اسم القصة. قول الله في سورة المائدة ولو انهم اقاموا التوراة والانجيل وما انزل اليهم من ربهم. يعني القرآن لاكلوا لاكلوا ماشية مع المائدة اهو. لاكلوا من فوقهم ومن تحت ارجلهم. بعض المفسرين قال يعني ايه لاكلوا! من فوقهم ومن تحت ارجلهم. يعني هتتفرقوا - [00:44:03](#)

نعم من راسك لرجليك. يبقى اذا ده وعد من الله. والحاجة الثانية في اسم المائدة اوعوا تفتكروا ان الشريعة مائدة من السماء من غير من غير تكاليف عشان كده السورة مكتوب عليها من برة المائدة فانت داخل بقى متوقع هتللاقي بقى ولائم تلاقي اول اية يا ايها الذين امتهنوا العهد - [00:44:23](#)

ایوہ ما هي مائدة بس على شرط انك توفي بالعقود بتاعتتها. دي الارباح بتاعة هزه العقود. انك انت هينزل عليك مائدة من السماء معنوية طبعا يعني اللي هي الشريعة الاسلامية اللي هي الشمار العظيمة لتطبيق هذا الدين ولتطبيق هذه الشريعة. عشان كده اسم السماء مرتبط بالقصة ارتياط عظيم اوء.. معنـ . - 00:44:43

كبير اوی يا جماعة. معنی عایزین نعرضه على نفسنا وعايزین نتفهمه کویس اوی اوی اوی. عشان کده ایه الرابط ما بين قصص سورة البھي ده ؟ ربنا في سورة البائدة جاب قصتين. قصة اتباع موسى اللي قالوا اذهب انت وربک فقاتلناانا ها هنا قاعدون. في نص

با عيسى اللي هو قالوا نريد ان نأكل منها وتطمئن قلوبنا اتباع موسى يعني شف موسى بيقول لهم ايه واتاكم ما لم يؤت احدا من العالمين. اتاكم ما لم يؤت احدا من العالمين. سيدنا عيسى القصة بتاعته ربنا - 00:45:20  
بيقول فمن يكفر بعض منكم فاني اعذبه عذابا لا اعذبه احدا من العالمين. الله! ده نفس الكلمة. ما لم يؤت احدا من العالمين. لم اعذبه احدا من العالمين. طب ايه ايه العلاقة بين الاثنين؟ كان الدين هتاخد بسببه اللي ما فيش حد في الدنيا خده. بس لو لعبت فيه هتتعذب بسببه العزاب اللي ، ما فيش حد في الدنيا - 00:45:34

اعترض لي يبقى لازم ندرك هذا الامر. الرابط ما بين قصص السورة اللي ربنا بيربي الوفود عليها. وربنا بيأهل الصحابة للخروج للعالم بها آآآآ سورة عظيمة اووي يا جماعة. سورة زي ما قلت لكم بتكلم الدعاة. بتقول لهم انتم مسئولين امام الله عن الناس. زي ما هنا خد الوقتي. واذ قال - 00:45:54

قال الله يا عيسى ابن مريم اية شوفوا بقى خلصت بعد القصة بتاعة المائدة كان قصة المائدة كانت تمهيد للحزة اللي سيدنا عيسى على الله سبحانه وتعالى فيها. والنصارى كلهم مجتمعين بالمليارات. بالمليارات كل واحد عبد عيسى بروتسستان ارثوزكس. ادفنت -

00:46:14

كله الجميع واقفين في هزا الموقف واقفين منتزمين وربنا يستدعي عيسى ابن مريم. واذ قال الله يا عيسى ابن مريم انت قلت للناس انت اللي قلت للمليارات دهي. اتخذوني وامي الهين من دون الله. خدوا بالكم يا جماعة سيدنا عيسى بيقول اللهم وهذا الهين -

00:46:34

لان سورة المائدة بتتكلم عن توحيد الالوهية حاكمة الولاء والبراء توحيد وحقوق الله سبحانه وتعالى. انت قلت للناس اتخذوني وامي الهين من دون الله! تخيلوا يعني هو ايه الموقف ده يا جماعة؟ على فكرة الايات ديت الطبرى قال ان الايات دي مش يوم القيمة. حاجة غريبة جدا. امال قد ايه امتى؟ قال لك بعد ما ربنا -

00:46:54

سيدنا عيسى لما النصارى عبدهو في الارض. يعني ربنا لما رفع عيسى والنصارى عبدهو ربنا قال له انت اللي قلت لهم يعبدونني. الكلام ده مربع يا اخواننا. يعني ايه؟ يعني كان -

00:47:14

استدعي انت اللي قلت له يعبدوا لي يا رب انا والله ما قلت لهم الا اعبد الله ربى وربكم. انا يا رب ما قلت لهم حاجة من هزا الكلام. يعني انت ايها الداعي الى الله ممكن -

00:47:24

قال يوم القيمة عن كل بدعة ظهرت في حياتك او حتى في حياة اتباعك بعد موتك. يعني يبقى الدعاية يا جماعة مش مسئوليته درس خطبة. يبقى الداعية مسئوليته تحصين مداخل الشيطان على الناس. الداعية مسئوليته الامن القومي للدعوة. مسئوليته انه يربي جيل. وانه يسلم الدعوة واضحة وظاهرة وصفية -

00:47:34

ونقية للاجيال اللي بعده. هو ده وظيفة الداعي الى الله. وزيفة الداعي الى الله. مش بس درس وخطبة. يا عيسى ابن مريم. انت قلت للناس اتخذوني وامي الهين من دون الله. قال سبحانه ما يكون لي ان اقول ما ليس لي بحق. ان كنت -

00:47:54

فقد علمت تعلم ما في نفسي. لقاء محب. حبيب ب مقابل حبيبه. تعلم ما في نفسي انت تعلم يا رب. انا جوايا حب لك قد ايه؟ جوايا لهفة على رضاك قد ايه؟ جوايا انابة لك قد ايه تعلم ما ما هنا قد تفيid التعظيم -

00:48:14

التفخيم ده انا يا رب اللي جوايا ناحيتك اعظم من ان يصفه لسانى يا رب. تعلم ما في نفسي ولا اعلم ما في نفسك. انت انت يا رب بتحبني؟ انت يا رب راضي عنى -

00:48:34

انك انت علام الغيوب. ما قلت لهم الا ما امرتني به. ان اعبدوا الله ربى وربكم. سبحان الله! في نص سورة المائدة ربنا بيقول لقد كفر الذين قالوا ان الله هو المسيح ابن مريم. وقال المسيح يا بنى اسرائيل اعبدوا الله ربى وربكم. هي نفس الكلمة بالحرف. رغم ان سيدنا عيسى -

00:48:48

صور تانية قال نفس الكلمة بس بصيغة تانية. في سورة المائدة نفس الكلمة اللي ربنا اللي قالها للناس في الدنيا في نص السورة هي الكلمة اللي قالها ربنا في اخر السورة. اعبدوا الله -

00:49:08

ريبي وربكم. عشان كده ربنا قال بعدها هذا يوم ينفع الصادقين صدقهم. لأن سيدنا عيسى صدق بالظبط وجاب الكلمة بالظبط يعني الداعية هيتسأل عن كلامه اللي قاله للناس قضية خطيرة جدا يا اخواننا ربنا يعفو عننا. ربنا يسدد السنتنا ويهدى قلوبنا يا رب. ويقمنا على مراده منا. ويعفو عننا يا رب -

00:49:18

ان اعبدوا الله ربى وربكم و كنت عليهم شهيدا ما دمت فيهم الكلمة دي يا اخوانا لخصت مسئولية الدعاية في الواقع. شهيدا ما دمت فيهم. شف شهيدا مش شاهد ما شفتش حاجة. مش داعية بيدي درس ويرجع يقفل على نفسه باب بيته وما لوشن دعوة. الناس اللي بتسمعه ديت فاهمة صح -

00:49:38

غلط متودين متمزقين متغضبين متجردين شغاليين في الدين عواطليه في الدين والايad الصلاة وحشة وانا مالي! انا باكب الكلمتين واروح ادخل بيتي تاني! شهيدا ما دمت فيه! مسئولية الداعية! سيدنا عيسى -

00:50:05

خاصة في تلات كلمات شهيدا ما دمت فيهم ما دمت فيهم المداومة على التواجد والشهادة والمراقبة للناس ما دمت كأنه متوجل في حياة اتباعه. شهيدا ما دمت فيهم. فلما توفيتني كنت انت الرقيب عليهم. طب واشمعنى كلمة الرقيب - 00:50:25

يا اخوانا اشمعنى كلمة الرقيب ديت ؟ كأن ربنا بيراقبنا. لأن ربنا بيراقب اتباع الانبياء بعد موت الانبياء. هيفضلوا يشيلوا الدين وهيفضلوا يشيلوا الرسالة هو اللي هيمنت على اعقابهم وانت على كل شيء شهيد. ان تعذبهم فانهم عبادك. وان تغفر لهم فانك انت العزيز الحكيم العزيز - 00:50:45

اللي يعني ما فيش حاجة هتعز عليك يا رب ما فيش حاجة يا رب انت بتخلق السنن عشان تحكمنا مش تحكمك انت يا رب. يا رب انت تقدر على اي حاجة. انت تقدر على اي شيء عشان كده - 00:51:05

هنا كلمة العزيز الحكيم ابلغ من كلمة الغفور الرحيم. لأن عيسى يعلم ان ربنا لن يغفر لمشرك. فما جابش الغفور الرحيم ان هو جاب العزيز حكيم. يا رب ما فيش حاجة تعز عليك. ما فيش عطاء يعز عليك ابدا. يا رب كلمة الاية دي سيدنا محمد زل ليلة كاملة يبكي فيها. سيدنا محمد بيبكي خفت - 00:51:19

عليها. خوف علي وعليك آآ يعني قضية قضية خطيرة اوي يا جماعة. قضية كبيرة اوي. ان مائدة من السماء. ان احنا ناخذ الدين انه مائدة من غير عقود. عشان كده اول اية العقود او فوا بالعقود. يبقى الدين مائدة من السماء ولكن على شرط ان احنا متوفي بالعقود - 00:51:39

ربنا اللي احنا عقدناه مع الله لما مشينا في هزا الطريق القصة مقاصدتها عظيمة جدا. رسالة للنصارى فوقوا. فوقوا قبل ما ترموا نفسكم في جهنم. فوقوا من عبودية البشر اللي انتم فيها. رسالة للدعاء مش مسؤوليتكم درس وخطبة. اتقوا ربنا. اتقوا ربنا وحطوا ايدكم في ايد بعض. سهل قوي ان انا افهم حديث - 00:51:59

مستحيل سهل اوي ان انا افهم حديث لوحدي. ان انا اقعد افهم اية لوحدي. ولكن مستحيل ان انا اقدر احوالها الواقع لوحدي انت ممكن يا داعية تفهم اية لوحدك وانت سهران في البيت ماسك كوبأية شاي. انما لا يمكن تصنيع الحياة بالآلية وتحول الحديث الواقع لوحدك. حطوا ايدكم - 00:52:19

بعض وصلوا للجيل اللي بعدكم الدين واضح مش زي احنا يا اخوانا استلمنا الدين. انا بمشي في الشارع بقول هو الجيل اللي قبلنا في الدعوة فين؟ هو اسره فين؟ ما وصلولناش - 00:52:38

الدعوة واضحة ليه ؟ ما سفلتوا لناش الطريق ليه ؟ الكل هيتسأل قدام ربنا. لازم رسالة للملتزمين الجدد ما هياش مائدة من السماء. اتقوا الله اتقوا الله ان كنتم مؤمنين عطاءات الدين هتيجي. عشان كده طول سورة المائدة تكاليف. واخر صفحتين معجزات. كان الطريق الى المائدة هو - 00:52:48

ان احنا نطبق التكاليف دي المائدة مش هتيجي غير بعد التكاليف دي كلها. ما نطبقه دي من الترابطات الموضوعية الخطيرة في هزة السورة. آآ ان شاء الله بازن الله موصولين مع بعض - 00:53:08

في سلسلة احسن القصص وقلت لكم مرارا انا عايز يا جماعة تتفاععلوا معي. انا عايز تقولوا لي انتم استفدتكم ايه من قصة النهاردة؟ خرجمت بايه؟ انا عايز تقولوا لي يعني المرة الجاية بازن الله سبحانه وتعالى - 00:53:18

قصة قارون بازن الله. قصة قارون مع سيدنا موسى. انا عايزكم تقولوا انتم استفدتكم ايه؟ طب اللي بيحضر قصة قارون. طب هو وصل لايه؟ طب ايه المعاني اللي جواه؟ انا عايز - 00:53:31

اعرف انتم بتعملوا ايه كوييس او انتم متفاعلين معه ايه كوييس ويا ريت ادارة الصفحة تنزل لنا بس ايه يعني بوست كده ليه التفاعلات مع القصة للتفاعلات مع الحلقة اللي احنا اديناها - 00:53:41

آآ انا عايز اكلمكم في النهاية ان فيه مشروع للبطاطين آآ عايزين بقى ننسى ننشط شوية يا اخوانا في الاعمال الخيرية بقى. ما هييش مائدة من السماء بقى قلنا عايزين - 00:53:51

ندوق لزة الایمان بالعمل الصالح والتضحية. مشندوق لزة الایمان بالایيات اللي جاية لنا واحنا قاعددين في مكاننا. عايزين نتعب شوية

عشان الدين. الشتا داخل يا جماعة. وفيه ناس فقراء - 00:54:01

جدا جدا. فيه ناس في القرى ونجوع الصعيد ونجوع محافظات الشرقية في ناس في غاية الفقر يا اخواننا. بالنسبة لهم بطانية دي حاجة حاجة كبيرة قوي حاجة عظيمة انا اتفرجت على فيديو يعني - 00:54:11

يعني عاملاه جمعية منابر النور اللي مشروع البطاطين ده يعني تبعها. واحنا آآ بنعلن لهم فيه آآ الناس الستات كتير ما شاء الله قاعدين يقولوا ما فيش الرز بقى بسبعة جنيه. ما عدناش بنأكل رز. هاتوا لنا الرز عايزيين نأكل. عايزيين زيت وسكر ورز. الناس فقرا جدا يا - 00:54:25

عشان كده احنا عاملين حملة البوستات بتاعتتها هتنزل ان شاء الله بعد الدرس مباشرة. اسمها اغيثوهم قبل الشتاء. آآ جمعية منابر النور عاملة هذه الحملة اللي هي حملة غطاء الرحمة. يعني ده اللي اللي يكفن ميت شوفوا سوابه عند ربنا. اللي يغطي ميت. امال اللي يغطي حي بيترجف من البرد. يبقى سوابه - 00:54:45

عند الله ايه؟ عايزيين اغيثوهم قبل الشتاء. هذه الحملة حملة التبرع بالبطاطين. انا هقول لكم دلوقتي رقم تليفون. الرقم ده اللي هيتبربع ببطانية يتصل اللي هيتبربع بميت بطانية يتصل. اللي هيعلم من اصحابه وعارفه ويجمع يتصل بازن الله. ده رقم آآ الحاجة مني مديرية جمعية - 00:55:05

منابر النور بازن الله عايزيين يا اخواننا نبدأ نشتغل في اعمال خيرية بقى. واللي عنده منكم مشاريع حلوة عارف عنها بيعت لنا على الصفحة. وان شاء الله نعلن عنها بازن الله. آآ - 00:55:25

آآ آآ رقم آآ جمعية منابر النور صفر اتناشر بيقى ده الرقم الاولاني اهو صفر اتناشر. بعد كده اتنين ثلاثة اربعة سبعة. اتنين ثلاثة اربعة ثلاثة سبعة سبعة اتنين. يبقى رقم جمعية منابر النور اللي هيشارك في مشروع اغيثوهم قبل الشتاء عشان بقى ايجابيين بقى - 00:55:35

هدوء لذة الایمان بالعمل الصالح. صفر اتناشر اتنين ثلاثة اربعة سبعة. ثلاثة سبعة سبعة اتنين الرقم معكم اهوت اكتبوه سجلوه. اتصلم تفاعلم الله يعینكم. ربنا بيارك فيكم. اللهم اجعلنا من اهل القرآن الذين هم اهلك وخاصتك - 00:55:57

اللهـم اجعل القرآن العظيم ربـيع قلوبـنا ونورـ صدورـنا وجـلاء احزـانـنا وذهـابـ هـمـونـنا. ربـ اـشـرحـ لـنا الصـدـورـ ويسـرـ يـسرـ لـنا الـامـورـ. اللـهمـ اـهـدـ قـلـوبـنـا وسـدـدـ السـنـتـنـا بـرـحـمـتـكـ يا اـرـحـمـ الـرـاحـمـينـ. سـبـحـانـكـ اللـهمـ وبحـمـدـكـ. اـشـهـدـ انـ لاـ اللهـ الاـ اـنتـ اـسـتـغـفـرـكـ واتـوـبـ اليـكـ. جـزاـكـمـ - 00:56:17

حبيبي انت رحمني انا ان تبت مناني وانبت رجاني - 00:56:37